



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Bitvricense, In Qvo Post Redargvtos Eos Qvi negarent sanctum Martialem inter apostolos nominandum esse, multa ad ecclesiasticam disciplinam pertinentia decernuntur, celebratum anno Christi ...

urn:nbn:de:hbz:466:1-15625

CONCILIVM BITVRICENSE,

IN QVO POST REDARGVTOS EOS QUI negarent sanctum Martialem inter apostolos nominandum esse, multa ad ecclesiasticam disciplinam pertinentia decernuntur, celebratum anno Christi MXXXIV. circa Kalendas Nouembris, sub Benedicto papa IX.

Acta huius Concilii recitantur in sessione secunda sequentis Concilii Lemouicensis II.

CONCILIVM LEMOVICENSE II.

IN QVO AGITVR DE APOSTOLATV SANCTI Martialis, & recitantur Canones nuper statuti in Concilio Bituricensi, celebratum anno Domini MXXXIV. die XVIII. mensis Nouembris, tempore Benedicti papæ IX.

Fragmenta quædam actorum huius Concilii hætenus edita fuerunt; nunc integra primum in lucem prodeunt ex codice manuscripto bibliothecæ Thuanæ.

S E S S I O I.

Celebrata XIV. Kalendas Decembris.

FACTVM est illo tempore vt Dei nutu in festiuitate dedicationis templi Domini Saluatoris, quod est XIV. Kalendas Decembris, congregaretur Concilium apud urbem Lemouicam. Ipsa itaque dedicationis die summo mane conuenerunt omnes simul episcopi cum presbyteris & diaconibus, in ecclesiam beati protomartyris Stephani. Erat autem eadem basilica propter coadunatum Concilium solenni more pridie ornata, sicut & ecclesia Saluatoris Domini; in qua anniuersaria dedicationis festiuitas ab omni Lemouicensi populo rite celebrabatur. Fuerunt itaque dispositæ in modum coronæ sedes episcoporum in eadem sancta Lemouicensi ecclesia; quæ est prima omnium ecclesiarum Gallia. At ubi oratum est, & sederunt episcopi, data ab archidiacono lectione, Iordanus